



- EDITORIAL • RÂL VÊNGTU
- » PCI GENERAL ASSEMBLY TLUANG TAKA HMAN A NI
- » PRESCOM BOARD A THU
- » KÏP GENERAL CONFERENCE VAWI 59-NA HMAN A NI

RNI 68092/83

From

Synod Literature & Publication Board  
Synod Office, Aizawl - 796 001  
Mizoram. Phone: 0389-2324590

# SYNOD *Newsletter*

Volume XXXVII

No. 6

E-mail: [synodnews@gmail.com](mailto:synodnews@gmail.com)

JUNE 2022

## LÂWRKHAWM

### DOCTOR TRAINING ZO

Dr. Mac Malsâwmtluanga, Synod Hospital, Durtlânga Eye Specialist chuan LV Prasad Eye Institute, Hyderabad aţangin Fellowship in Ocular Plastic Surgery & Ocular Oncology ţa takin a rawn zo va. Synod Hospital Eye OPD-ah Thawhlehi leh Ninganiah râwn theih a ni ang a, Dr Fraser Clinic, Mission Vêng, Aizâwlah Zirtâwpniah râwn theih a ni bawk ang.

### THAWKTU THAR

C. Lalnunmawii d/o C. Lalhmingliana, Chawnpui Vêng, Aizâwl chu Synod Service Board chuan Synod Rescue Home-a Staff Nurse hna contract-a thawk tûrin a la thar a. A hna hi June ni 1, 2022-ah a zawm ang.

### MTC GRADUATION DAY

Missionary Training College chuan May ni 17 khân Mission Vêngthlang Kohhran Golden Jubilee Hall-ah Graduation Day vawi 10-na a hmang a, B.Miss. zir zo mi 20 thlah an ni.

### DISTRIBUTORS' MEET

Synod Bookroom chuan May ni 19 (Nilaini) khan Synod Office Devotion Hall-ah Synod Bookroom Distributors' Meet 2022 a hmang. Kum 2021-2022 chhûngin Distributor 42-ten an budget ₹1,66,00,000/- chu an khûm a; kum hmasa lama an thawh chhuah ₹33,61,914/- in an khûm bawk. Synod Bookroom hian Distribution Centre 42 nei mêkin, pahnih dang hawn leh tûrin a pawm fel tawh bawk. Shillong-ah Distribution Centre hawn a ni tawh bawk.

### MATRIC RESULT THA

May ni 17-a MBSE-in HSLC result a tihchhuah tâkah Presbyterian English School (PES) chuan result ţa tak a nei a. PES-ah hian Pâwl 10 chin nei sikul 34 an awm mêk a, chhûng sikul 34 aţanga 16-ah chuan zirlaite an pass vek a ni. Exam beitu zawng zawng mi 678 zing aţangin mi 620-in an pass a, za zêla 91.45-in an pass a ni.

## PCI GENERAL ASSEMBLY TLUANG TAKA HMAN A NI

Presbyterian Church of India (PCI) General Assembly vawi 44-na chu April 28-May 1, 2022 chhûng khân Umroi, Meghalaya-ah Ri Bhoi Synod-in a thleng a, tluang taka hman a ni. Kumina thupui chu 'Rinawmin awm rawh' (Thup 2:10) tih a ni. Assembly-ah hian palai 521 an kal a, Mizoram Synod aţangin palai 135 an kal a ni.

### Puipate

Moderator : Rev. B.B. Lamin  
Moderator Elect : Rev. Khamchinkhaia  
Secretary (Sr) : Rev. Dr. K. Lallawmzuala  
Secretary (Jr) : Rev. J.R. Thabab  
Treasurer : Rev. H.L. Myrsingh  
Statistician : Rev. Arjones Phangcho

April ni 28 khan Committee pahnih – Executive Committee leh Nomination Committee an ţhu a, April 29 & 30 chhun lamah Rorel Inkhawm neiin PCI Staff Service Rules en nawnin, eng emaw zât siam danglam a ni. PCI General Assembly kum 100-na chu kum 2026-ah lawm rem tih a ni a, PCI Executive Committee-in a ţul anga a lo bawhzui tura rêl a ni. PCI Dân Bu en nawn a ni a. PCI Executive Committee-in a lo ruahman sa chu a tlangpuiin pawm a ni a, hman nghâl tura lo zût mâm tûrin PCI Executive Committee kutah dah a ni. Thurin VII-na, "Thlarau Thianghlim chuan khawngaihna hna a thawhin thu..." tih dawtah 'hlate' tih belh a ni. Synod Inkhawmpuia Presbytery aţanga dânzawhkim 400 aiawha palai pakhat intirh ţhin chu dânzawhkim 500 aiawha palai pakhat intirh tawh tura rêl a ni bawk.

Kum 2022-2025 chhûnga Administrative Secretary atân Rev. Sawitinkai Vaiphei, Manipur Synod thlan a ni. Synod Pastoral Committee member, Presbytery aţanga mi 3 ruat ţhin chu 2 ruat ţhin tawh tura rêl a ni. KJP Synod Mihngi chhûnga Presbytery 6 huama Paleng Synod (Provisional Synod) piantir tura PCI Executive Committee rawtna chu pawm a ni. Mizoram Synod hnuai Manipur Area chu Provisional Synod tura pawm a ni a, a hming atân Tangphai Synod tih a ni ang a, a ţul apiang chu PCI Executive Committee bawhzui tura dah a ni. Rev. L.D. Nongsiej, Administrative Secretary ţang lai chu term

laklawha thlâk a ngaih avângin kum 2022-2023 atân Rev. B.R. Kharnaioir, KJP Synod Sepngi chu rawt a nih angin pawm a ni. PCI Executive Committee-in Co-ordinator neih a rawt chu rawt a nih ang hian pawm a ni a, a ţul angin PCI Executive Committee bawhzui tura rêl a ni. Mizoram Synod aţanga thulût, mahni intihlum vui dân tûr chungchâng chu hetiang hian rêl a ni:

1. Tu pawh mahni intihlumte chu vui dân pângngaia vui tûr a ni.
2. Minister leh Kohhran Upa, mahni intihlum chu Biak Inah vui loh tûr a ni.

Dr. Lalthansângi Fânai (Mizoram Synod) chu kum 2023-2025 chhûnga PWF Chairperson atân ruat a ni. PCI General Assembly vawi 44-naah hian Pastor 46 sùn an ni. PCI hnuai Synod 11 aţanga Secretary-te report chu pawm a ni. PCI General Assembly Dr Lalthansangi Fanai hi kum khat dana hman ţhin a ni a. General Assembly vawi 45-na chu May ni 2-5, 2024 chhûngin Mizoram Synod-in a thleng ang.



Mizoram Synod aţanga palai thenkha

# SYNOD Newsletter

## EDITORIAL STAFF

Rev. Lalbiaknia  
Rev. V.L. Luaia Hranleh  
Upa K. Lalnghinglova  
Zohmingliana Colney

## Editorial

### TIH THAN, NGAIA NEIH

*Kan tih than, ngaia kan neih hi kan nun phung, kan nun dân a ni thui hle. Kan tih than chu rilruah a awm tlat a, kan taksain a zui a, kan tawngkain kan sawi chhuak bawk a.*

*Kum hnih kal ta chhông khân kan inkhâwm hlei thei lo, inkhâwm loh kha ngaiah kan neih hman a. Pathianna awm mai mai te kha kan ti thang a, hriat loh kârah nuam kan ti phian. Inkhâwm a theih leh ta a, a tîr aţanga inkhâwm thang chuan ngaiah an neih leh mai.*

*Smartphone kan nei ta fur a, phone khawih, hmeh neuh neuh hi kan ti thang tawh a, ngaiah kan neih tlat tawh, a lovin kan awm thiam tawh lo.*

*Têttê aţanga hmarcha ei thang chuan tui an ti tlat. Hmarcha tel lovin chaw an ei tui thei lo. Ramvâk thang chuan nuam an ti tlat a, an rilru pui ber a ni fo. Ramvah lo chu titi dang an sawi tui thei lo.*

*Kan tih than chu ngaiah kan neih tlat avângin, tih than, ngaia neih tîr tha kan thlan a pawimawh viau mai. Tûn hmaa kan tih ngai loh, puitlin hnua kan tih than chawp pawh, ngaiah kan neih ngheh theih viau hi maw!*

*Pathian biak inkhâwm te, Chawlhni serh te, tawngţai te, Bible chhiar te, Pathian faka zai te, Pathian ram thawhlâwm pêk te, hun hman dik te, ţanpui ngai ţanpuite hi nunphunga bet tîr leh ngaia neih tîr khawpin ti thang ila, keimahni leh mi dang tân, Kohhran tân pawh malsawmna a ni dân a ni.*

*Lal Isua pawh a inkhâwm thang a, a tawngţai thang hle tih a hriat theih. (Lk 4:16).“Tin, a sei lenna khúa Nazareth chu a lo thleng a; tin, Chawlhnia a tih dân pângngaiin inkhâwmna inah a lût a, chhiar tîr in a ding a,” tih kan hmuh kha. Taksâ, rilru leh thlarauva kan thapui tîr chu ngaia neih tîr khawpa tih than tum tlat ila, kan thapui ngei bawk ang.*

## PRESCOM BOARD A THU

May ni 13, 2022 (Zirtâwpni) chawhma dâr 10 khân Synod Office-a J.M. Lloyd Hall-ah Presbyterian Communications (PRESCOM) Board meeting wawi 175-na a thu a, member 45 an kal a. Board Meeting hi Rev. Dr Vânlalngâka Râlte, Synod Moderator-in a kaihrui a ni.

Board Meeting-ah hian Provisional Synod-a awm tîra Manipur Area buatsaih a nih avângin Synod Bookroom, Churachandpur Branch kal zêl dân tîr ngaihtuahin PRESCOM hotute Churachandpur Branch Committee-ah an tel thu te, Synod Bookroom Branch thar hawn dîlte tlawha inkawm ho a nih thu te, PRESCOM hnuaia thawktu 12 an kaisân thu te, Synod Bookroom, Bazar Branch building hnuaia siam leh chei thap mêk a nih thu te, Digital khâwl thar pahni – DP-X550 leh DP-G225 lei a nih thu te, Bookroom Chah Dâwr (Home Delivery) kalpui tîra Sub-Customer Information File-a account hawn rem tih a nih thu te, Hnathiala Synod Bookroom sakna tîr in lei fel a nih thu te, Synod Bookroom Headquarters sak mêk chu November 2022-a zawh fel theih beisei a nih thu te ngaihtlâk a ni.

## MSSU SECRETARIAL TRAINING

May 3, 2022 khan Mizo Sunday School Union buatsaih ‘17th Biennial Secretarial Training’ chu J.M. Lloyd Hall, Synod Office, Aizâwlah buatsaih a ni. He Training hi a hun tîr tak chu nikum kha a ni a, hripui lêng avângin a remchâng ta lo va. Hripui a ziaawm tâkah chuan a hun pângngai angin nei thei lo mah ila, ni khat chauh tal Secretary mawhphurhna pawimawh zual inhrilh ni se, tiin rel a ni a, tuang taka neih a ni.

Training-ah hian Rev. V.L. Luaia Hranleh, Executive Secretary i/c MSSU-in hunserh a hmang a; Pi Lalpianthangi Hrahse, MSSU Co-ordinator-in Inlawmna leh Inhmelhriattirna hun a hmang. First Session-ah ‘Secretary hna leh mawhphurhna’ tih thupui hmangin Pu H.K. Hmingthanzuala, MSSU Asst. Co-ordinator-in thu a sawi a; Pu John Lalhruiatluanga, Archives Asst. Coordinator-in practical a neihpui bawk. Second Session-ah ‘Sunday School inrêlbâwl dân leh inkaihhraina’ tih thupui hmangin Pu Lalhmunzauva Tlau, MSSU Asst. Coordinator-in thu a sawi leh a; Pu John Lalhruiatluanga, Archives Asst. Coordinator-in assignment khai khâwmna a neihpui leh bawk. Hemi hnu hian zawhna leh chhanna hun tha tak hman a ni. Reflection and Farewell hman chhunzawm a ni a, Rev. Z.D. Lalhmachhuana, Synod Secretary-in programme a kaihrui a. Trainee aiawh thusawi ngaihtlâk a nih hnua Rev. Z.D. Lalhmachhuana’n thu sawiin trainee-te hnênah certificate a sem a; Pi Lalpianthangi Hrahse, MSSU Coordinator-in lawm thu sawiin training khar a ni. Training-ah hian Synod hnuaia MSSU zawmtu Pastor Bial tina Sunday School Ziaktu pakhat theuh tel tîra tih an ni a, mi 153 an tel a ni.

### WOMEN CENTRE-AH MINI LIBRARY

May 2 khan Central Kohhran Hmeichhe enkawl Women Centre, Phunchawngah Pi Sailuti, Inkhawmpui Lian Chairman-in Mini Library a hawng a, Women Centre-a hman tur fridge lian, litre 620 dawng chu Pathian hnênah a hlân bawk. Hawnna inkhâwm hi Pi Vanlalhruii, Vice Chairman-in a kaihrui a; Pi H. Lalfakmawii, Secretary-in Mini Library hawn a nih chhan leh hawn a nih dan a sawi.

Women Centre-ah hian tui a harsat avângin lei chhônga tui verh chhuah pahni (Submersible Water Pump) a awm a. Ni tin tui litre 4,000–5,000 vêl pump chhuah theih a ni a. Hei hian Centre-a tui mamawh a phuhrûk tha hle a ni. Women Centre ram, a hungna hrûlah hian kea kalna tîr (Footpath) siam mêk a ni bawk a. Hei hi Women Centre-a awmte inkhâwm kawng atân leh Phunchawng mipui tâna ţangkai tak tîr a ni.

### RINGTHAR ZÂT

Kumin January–April chhônga Synod Mission Board hnuaia ringthar zât:

1. Home Mission North	16
2. Barak Area	77
3. Tripura	412
4. Home Mission South	96
5. Delhi	111
6. Siliguri	220
7. Calcutta	488
8. Karbi Anglong	49
9. Arunachal & Assam East	26
10. Lucknow	47
11. Patna	48
12. Nepal	43
13. Arunachal & Assam West	33
14. Assam	33
15. Jharkhand Mission	158
16. Arunachal & Assam North	8
17. Odisha	108
18. Masihi Sangati	3,585
<b>Belh khâwm</b>	<b>5,558</b>

# Râl Vêngtu

Mipui thahnem tak hi Râl Vêngtu hnênah an lo kal khâwm a.

Mipuite chuan, "Râl Vêngtu, thlân lungphun tûr awm khâwm teuh hi a awmzia min hrilhfiah tawh teh. A thuziak a inang lovin, a tam hle bawk si a, hriat chian kan duh e," an ti a.

Râl Vêngtu chuan, "A ni maw! Ngun takin lo ngaithla ula, ka'n hrilhfiah ang che u. Hêng thlân lunga thu inziakte hi nangmahni ngeiin in nun leh thiltiha in ziak a ni a. In thih hunah in thlânah, khawih theih loh, dah sawn theih loh, chhiar theih siin amahin a rawn inphun dâwn a ni. Thaichhiat, ziah that, belhchhah, pah then theih a ni lo vang. Tûnah thlân lunga thu ziak hi in duh va thlang dâwn mah ula, nangmahni ta lo tûr chu in chawi kâng thei hauh lo vang. In ta tûr dik chauh in chawi sawn thei ang," a ti a.

Mipui zînga pakhat chuan thlân lung awm khâwm chu a va pan a, 'Mi rinawm leh taima' tih inziakna chu, "Hei hi ka ta tûr a nih hi," tiin lâk mai a'n tum a, a chawi kâng thei ta lo va. A bula thlân lung, 'Mi chapo, nih loh anga inlantîr thîn' tih inziakna chu a'n chawi chhin a, awlsam takin a la kâng ta mai a!

Mipuite chuan mak an ti hle a. Thlân lung dang, 'A rûka tualthat' tih te, 'Ram tichhetu' tih te, 'Mi bum hmang' tih te, 'Kristian lem' tih inziakna leh a dangte chu an chawi chhin ngam ta lo va.

Râl Vêngtu hnênah chuan, "Hei, thil mak tak a nih hi. Kan nun leh thiltih hmanga lo inziak a nih si chuan fîmkhur a va ngai êm!" an ti a.

Râl Vêngtu chuan, "In thlân lungphun tûr ngaihtuah reng chungin dikna, thianghlimna kawng zawh ula, thil tha ti rawh u," tiin a fuih ta a.

## SYNOD HOSPITAL, DURTLÂNG THILPÊK DAWNTE (April, 2022)

### I. CHARITY FUND

1. Pu Zodinliana, Mission Vêng	₹ 1,500
2. Secretary, Aizâwl Hmâr Presbytery, dânzawhkim 1 zêl ₹ 50/- hisapa thawh khâwm	₹ 9,25,550
4. Saikhamakâwn Kohhran Pavalai Pâwl	₹ 50,000
5. Tanhril Pastor Bial Kohhran Hmeichhia	₹ 20,000
6. Lungdai Hmâr Vêng Kohhran	₹ 1,000
7. KÏP, Tlungvêl Pastor Bial	₹ 5,000
8. KÏP, Dulte Branch	₹ 5,000
9. KÏP, Kâwikulh North Pastor Bial	₹ 5,000
10. Pi Zosângi Nghâkliana, Zârkawt	₹ 5,000
11. North East Khawdungsei Pastor Bial	₹ 40,000
12. ENF, Synod Hospital Unit	₹ 50,000
13. Bawrai Kohhran, Zâwnuam	₹ 12,000
14. Chhingchhîp Pastor Bial KPP	₹ 3,000
15. Sialsûk Pastor Bial Kohhran Hmeichhia	₹ 5,000
16. Model Vêng Kohhran, Aizâwl	₹ 23,072
17. Zodinliana, Mission Vêng	₹ 1,500

### II. GRACE HOME TAN

1. Serchhîp Vêngchung Kohhran Hmeichhia	₹ 5,000
---	---------

### III. THISEN PETUTE

	Unit zât
1. KÏP, Edenthar Branch, Aizâwl	28
2. Pachhûnga University College, Aizâwl	73
3. Hràngbâna College, Aizâwl	24
4. KÏP, Ramthar Tlâng Vêng Branch, Aizâwl	34
5. KÏP, Chhînga Vêng East Branch	44
6. KÏP, Bûngkâwn High School Vêng Branch	21
7. KÏP, Tuikual South Branch	33

### IV. THIL DANG PETUTE

1. Chhingchhîp Mualpui Pastor Bial Kohhran Hmeichhia - Hmunphiah 30
2. Armed Vêng KPP, Aizâwl - NCB tan Refrigerator 1
3. AM Surgical, Guwahati 7/4 - Eye OT tân Washing Machine
4. NSS Unit, Govt. Mizoram Law College, Aizâwl - K.Ward tân thutthlêngsei ngenchhan nei 2.
5. ENF, Synod Hospital Unit 21/4 - NCB tân Steel Almira pakhat, NSSR tân Steel Almira leh Refrigerator
6. Dr. Lalchhanhima Râlte, Synod Hospital - NCB tân TV (Samsung) 32 inches 6
7. Bûkpui Pastor Bial Kohhran Hmeichhia - Hmunphiah 147
8. Phûllên Vêngthar Pastor Bial Kohhran Hmeichhia - Hmunphiah 154
9. West Phailêng Kohhran Hmeichhia - Hmunphiah thahnem tak
10. Rev. R. Lalengkima tu leh fate - Damlote tân Easter Egg 430
11. Pu Jolly Newman, Mission Vêngthlang - K. Ward tân Cushion 1½ ft x 5 ft pahnih
12. ALCON, Guwahati - Eye Unit tân Wall Frame ₹19,000
13. Rev. H. Lalfakzuala leh Laldupui - An fapa Caleb Lalchhanhima hriat reng nân NICU tân diaper pahna bâwm.

### V. PAWISA DAWN ZAWNG ZAWNG - ₹11,57,622/-

Rev. R. Ramdinmawia  
Chaplain, Synod Hospital, Durtlâng

## SYNOD CHHAWMDÂWLNA

Tûn hnaia harsatna hrang hrang tâwkte hnênah Synod Relief Fund ațangin hetiang hian chhawmdâwlna pêk a ni:

Sl.No.	Khua	Pêk chhan	Chhûngkaw zât	Pêk zât
1.	Zêmabâwk East & South	Damlo leh in kâng	5	₹42,000
2.	Falkland East	Khawsak harsa	5	₹40,000
3.	Lawipu	Damlo	4	₹32,000
4.	Mêlrîat	Accident	1	₹20,000
5.	Sairâng Dinthar	Damlo	2	₹16,000
6.	Phainuam	In kâng	1	₹10,000
7.	Champhai Kanan	Damlo	1	₹8,000
8.	Champhai Kahrawt	Kângmei tuar	9	₹66,000
9.	Lêngpui	Damlo	3	₹24,000
10.	Saihapui K	Damlo	1	₹8,000
11.	Thanglailung	Damlo	2	₹16,000
12.	Kâwikulh	In kâng	1	₹10,000
13.	Hrianghmun	Damlo	1	₹8,000
14.	Phuaibuang	Damlo	1	₹8,000
15.	Rêngtekâwn	In chhia	7	₹72,000
16.	Builum	In chhia	4	₹44,000
17.	Kolalian	In chhia	5	₹50,000
18.	Kolasib Vêngthar	In chhia	5	₹36,000
19.	Kolasib Hmâr Vêng	In chhia	7	₹50,000
20.	Saidan	In chhia	1	₹8,000
21.	Tualchêng	Damlo	4	₹32,000
22.	Selâm	Damlo	2	₹16,000
23.	North Dîltlâng	Damlo	2	₹16,000
24.	Khawlian	Damlo	1	₹8,000
25.	Chhingchhîp Vêngthlun	Damlo	1	₹8,000
26.	Phainuam	Damlo	1	₹8,000



## KTP GENERAL CONFERENCE VAWI 59-NA TLUANG TAKA HMAN ZAWH A NI TA

### THÊNTLÂNGAH BIAK IN THAR

May ni 14, 2022 (Inrinni) khân Thêntlâng Kohhran Biak In thar chu Synod Moderator Rev. Dr. Vânlalngâka Râltein a hawng. Biak In thar hawngna programme hi May 13, 2022 (Zirtawpni) zan aţanga hmang ţanin, May ni 15, 2022 (Pathianni) thleng hun hman a ni.

Thêntlâng Kohhran hi Chhingchhîp Pastor Bial chhûnga awm a ni a. May ni 24, 1974 khân Preaching Station-a ding ţanin, kum 1980 December thla khân Kohhran puitlingah hlân kai a ni. Tûnah Kohhran Upa 6, Tual Upa 3, Kohhran in ding 123, Kohhran member 621 leh dânzawhkim 436 an awm mêk.

### HEADMASTER THAR SEMINAR

May ni 4-6 khan Synod Mission Board chuan kum 2020, 2021 leh 2022 aţanga Headmaster hna thawk tûra ruat thar mi 18-te tân Synod Office, Aizâwlah seminar a buatsaih.

### TANPUINA PE

Kohhran Hmeichhe Inkhâwmpui Lian vawi 49-na thurêl bawhzuiin, Bial leh Kohhranten an thawh khâwm ₹15,02,823 chu Synod Hospital Charity Fund atân ₹12,02,823 leh John Williams Hospital ţanpui nân ₹3,00,000 pein March ni 30, 2022 (Nilaini) khân Pi Lalrinliani, Treasurer leh Pi Lalhmingliani, Finance Secretary-ten Rev. V.L. Luaia Hranleh, Executive Secretary i/c Hospital hnênah an hlân.

### MSSU ZIRTÏRTU TRAINING

May ni 16-21, 2022 chhûng khân Manipur Area leh Tuiţhaphai Presbytery-ah Sunday School zirtirtu training pein Pu H.K. Hmingthanzuala, Asst. Co-ordinator leh Upa K. Vânlalngâka, MSSU Trainer-te an kal.

### KOHRAN PAVALAI PAWL HRIATTIRNA

Pathian zârah Kohhran Pavalai Pâwl chu tluang takin a kal zêl a, Bial leh Tualchhûngah ding thar kan awm zêl a, a lâwmawm hle. Bialah emaw, tualchhûngah emaw Kohhran Pavalai Pâwl ding tawh, la in-report lo apiangten Report Form siam sa hmangin Revival Office, Synod Office, Mission Vêng, Aizâwlah report pêk zêl tûr a ni.

Kristian Thalai Pâwl General Conference vawi 59-na chu May ni 5-8, 2022 khân Diakkâwn Field, Kolasib-ah tluang taka hman a ni a. Thupui 'Tûnlai thil awmzia' (Rom 13:11) tih chu Revd Dr Chuauţhuama, Ramhlun Vêngchhakin vawi 3 a sawi.



May 5 (Ningani) zânah Rev. Dr. K. Lallâwmzuala, Executive Secretary i/c KTP-in kum puan hawngin kum puan thupui Pathian hnênah a hlân a; Rev. Z.D. Lalhmachhuana, Synod Secretary (Sr)-in Synod Choir music video Pathian hnênah a hlân baw k a; Synod Moderator Rev. Dr. Vânlalngâka Râltein Pathian thuchah a sawi. May ni 6 (Zirtawpni) zânah Rev. Dr. K. Lallâwmzuala, Executive Secretary i/c KTP-in Pathian thuchah a sawi a; May ni 8 (Pathianni) zânah Rev. Vanlalmuanpuia Khiangte, Leader kal chhuakin Pathian thuchah a sawi baw k. KTP General Conference hi Synod Information & Publicity (Synfo) chuan live-in a pe chhuak thîn a ni.

Nikum chhûngin Central KTP hnuai ah Bial KTP 215, Branch KTP 891 (Mizoram pawnah 45) leh member 1,57,830 (Mipa 97,542 leh hmeichhia 60,288) an awm a, Branch 891-te sum thawh chhuah belh khâwm chu ₹26,62,95,467 a ni. Member thi 456 (Mipa 386 leh hmeichhia 70) an awm a, nupui/pasal nei mi 3,836 (Biak Inah 47.31%)

an awm a, missionary-a chhuak thar mi 94 an awm baw k.

### Rorel thenkhat han târ lang ila:

1. Kum 2026 General Conference chu Saitualah nghah a ni (Kum 2024-ah chuan Ngopaah).
2. YRC leh Hospital Charity Fund puala KTP ţum khat inkhâwm thawhlâwm lâk khâwm thîn chu chhunzawm a ni ang.
3. YRC puala member pakhat thawh tûra bituk siam thîn chu tihţâwpa, CKTP-in Bialah budget siam tawh a ni ang.
4. Thupui zir tûrah Kohhran humhalh chungchâng zir a ni ang.
5. Kum 2023-2024 Kum Puan thupui atân 'Tawngţai tam' (Mt 22:22) tih thlan a ni.
6. Budget atân ₹66,10,000/- pawm a ni.

Rorel chhûng hian hmun thumah Multiplex Programme hman a ni a. Chûngah chuan Rev. V.L. Luaia Hranleh, Synod Executive Secretary; Upa R. Lalhmingthanga, Republic Vêngthlang leh Upa Prof. H. Lalthanzâra, Nursery Vêng, Aizâwlten hun an hmang.

Kumin General Conference-ah hian kum 2022-24 chhûnga Central KTP hruaitu tûr mi 25 thlan an ni a; May ni 17, 2022 khân Committee Room-I, Synod Office, Aizâwlah CKTP hruaitu hluite hian a tharte hnênah chanvo an hlân a ni.



Synod Puipate leh Central KTP hruaitu (2022-2024)